



Xalq so'zi

2025-YIL — ATROF-MUHITNI ASRASH VA “YASHIL” IQTISODIYOT YILI

1991-yil 1-yanvardan chiqa boshlagan

WWW.XS.UZ

E-mail: Info@xs.uz

2025 йил 23-апрель, № 82 (8977)

Chorshanba

Saytimizga o'tish uchun QR-kodini telefoningiz orqali skaner qiling.



KIMYO SANOATINI YANADA RIVOJLANTIRISH BO'YICHA YANGI DASTUR ISHLAB CHIQILADI

Prezident Shavkat Mirziyoyev kimyo sanoatidagi loyihalar ijrosi va tarmoqni diversifikatsiya qilish bo'yicha rejalar taqdimoti bilan tanishdi.

Islahotlar natijasida tarmoqda bozor tamoyillari joriy etilib, investitsiyalarga keng yo'l ochildi. Ishlab chiqarish zanjirini kengaytirish uchun Navoiy, Farg'ona, Qo'ng'irotda 3 ta kimyoviy klaster, Chirchiq va Jizzaxda 2 ta texnopark tashkil etildi. Qo'qon superfosfat zavodi to'liq modernizatsiya qilindi.

So'nggi besh yilda 23 ta yangi korxona ochilib, 4 mingdan ortiq ish o'rinlari yaratildi. Tarmoqqa xalqaro brendlar kirib keldi, kam tonnali mahsulotlar tayyorlash yo'lga qo'yildi. Bularning samarasida kimyo sanoatida ishlab chiqarish 1,5 barobar o'sdi.

Taqdimotda mutasaddilar bu yilgi ishlar va rejalar to'g'risida hisobot berdi. Qayd etilganidek, joriy yil birinchi chorakda tarmoqda 181 million dollarlik investitsiya o'zlashtirilgan, 39 million dollarlik 3 ta loyiha ishga tushirilgan.

Endi ikkinchi chorakda 170 million dollarlik xorijiy investitsiyalarni o'zlashtirish hisobidan “yashil” vodorod va sian tuzlari korxonalarini ishga tushirish rejalashtirilgan.

Raqamlashtirish jarayoni davom ettirilib, tarmoqning hamkor sohalar bilan integratsiyasi kengaytiriladi. Kimyo

zavodlarining yagona g'aznachilik tizimida qo'shimcha modullar ochildi. “Yagona raqamli platforma” yakuniga yetkazilib, korxonalarning 15 ta iqtisodiy ko'rsatkichi aks ettiriladi.

Yana bir muhim vazifa — energiya samaradorlik. Energiyani tejash hamda ishlab chiqarish quvvatlaridan foydalanish darajasini oshirish orqali tannarxni kamaytirish zarurligi ta'kidlandi.

Sohada hali ishga solinmagan imkoniyatlar ko'pligi ko'rsatib o'tildi. Jadal rivojlanayotgan ichki bozorda mahsulotlarga talab ortyapti. Jahon bozorida nobarqaror sharoit ham yangi vazifalar qo'ymoqda.

Shu bois tarmoqni tarkibiy jihatdan o'zgartirish, mahalliyashtirish va qo'shilgan qiymatni oshirish chora-tadbirlari muhokama qilindi.

Mutasaddilarga hozirgi zamon talablari va kelgusi iqtisodiy prognozlar asosida kimyo sanoatini rivojlantirish bo'yicha yangi dastur ishlab chiqish vazifasi qo'yildi. Bunda yangi yo'nalishlarni o'zlashtirish orqali tarmoqni diversifikatsiya qilish, yuqori qo'shilgan qiymatli mahsulotlar ishlab chiqarishga alohida ahamiyat qaratish zarurligi ko'rsatib o'tildi.

BOZOR TALABLARIGA MOS TARAQQIYOT YO'NALISHLARI

Prezident Shavkat Mirziyoyev 22-aprel kuni elektrotexnika sohasida joriy yil birinchi chorakda qilingan ishlar va navbatdagi vazifalarga oid taqdimot bilan tanishdi.

Bu tarmoq mamlakatimiz sanoatining drayverlaridan biri. So'nggi yetti yilda eksport hajmi 7 barobarga o'sgan va geografiasini 63 ta davlatga yetgan. Hozirgi kunda tarmoqda 500 ga yaqin korxonalor bo'lib, ularda 27 mingdan ziyod yurtdoshlarimiz ishlaymoqda.

Ushbu salohiyatni oshirish maqsadida shu yil 22-yanvarda O'zbekiston Respublikasi Prezidentining “Elektrotexnika sanoatini rivojlantirishni yangi bosqichga olib chiqishga doir qo'shimcha chora-tadbirlar to'g'risida”gi qarori qabul qilindi. Unga muvofiq yuqori qo'shilgan qiymatli mahsulotlar ishlab chiqarishni rag'batlantirish, investitsiyalar va xorijiy brendlarni jalb etish, tajriba-konstruktorlik ishlarini rivojlantirish choralari ko'rilmoqda.

Joriy yil birinchi chorakda tarmoqda ishlab chiqarish hajmi 7 trillion so'mdan oshgan. Qariyb 310 million dollarlik mahsulot eksport qilinib, bu ko'rsatkich 1,3 barobar o'sgan.

Shu davrda 55 million dollar investitsiya o'zlashtirilgan. Shundan 48 million dollari to'g'ridan-to'g'ri xorijiy investitsiya va kreditlardir.

Xorijiy brendlar ostida xaridorgir mahsulotlar ishlab chiqarish bo'yicha umumiy qiymati 900 million dollarga teng loyihalar shakllantirildi. Ayni paytda texnik jarayonlarni kelishish, zarur

texnologiyalarni yo'lga qo'yish bo'yicha ishlar olib borilmoqda.

Taqdimotda ikkinchi chorakka va yil yakunigacha mo'ljallangan asosiy rejalor ham aytib o'tildi.

Joriy yilda ishlab chiqarish hajmini 43 trillion so'mga yetkazish, qariyb 5 trillion so'mlik mahsulotlarni mahalliyashtirish ko'zda tutilgan. Umumiy qiymati 656 million dollarlik 71 ta loyihani amalga oshirib, 4 ming 600 ta ish o'rni ochish mo'ljallangan. Eksport miqdori 1 milliard 700 million dollarga, geografiasini 68 ta mamlakatga yetishi kutilmoqda.

Davlatimiz rahbari dunyodagi iqtisodiy tebranishlar sharoitida elektrotexnika sanoatida ham rivojlanish trayektoriasini to'g'ri tanlab, bozor talablariga tez moslashish muhimligini ta'kidladi. Mahalliyashtirishni chuqurlashtirib, yuqori qo'shilgan qiymatli mahsulotlar olish, zamonaviy texnologiyalarga munosib malakali kadrlar tayyorlash zarurligi qayd etildi.

Mutasaddilarga tarmoqdagi har bir korxona bilan ishlab, sanoat va logistika zanjirlarida yuzaga keladigan masalalarni hal etish, eksport geografiasini diversifikatsiya qilib, yangi bozorlar topish bo'yicha topshiriqlar berildi.

O'ZA.

TURKMAN XALQINING MILLIY YETAKCHISI O'ZBEKISTONGA TASHRIF BUYURADI

O'zbekiston Respublikasi Prezidenti Shavkat Mirziyoyevning taklifiga binoan Turkman xalqining milliy yetakchisi, Turkmaniston Xalq Maslahati Raisi Gurbangali Berdimuhamedov 23-24-aprel kunlari tashrif bilan Samarqand shahrida bo'ladi.

Bo'lajak muzokaralar kun tartibidan O'zbekiston — Turkmaniston strategik sheriklik munosabatlarini yanada mustahkamlash, ko'p qirrali hamkorlikni, eng avvalo, siyosiy, parlamentlararo, savdo-iqtisodiy, transport-kommunikatsiya va madaniy-gumanitar sohalarida kengaytirish masalalari o'rin olgan.

Mintaqaviy va xalqaro ahamiyatga molik dolzarb masalalar yuzasidan ham fikr almashiladi.

O'ZA.

KO'Z O'NGIMIZDA O'ZGARAYOTGAN ANDIJON

Bugun Andijon yanada chiroy ochmoqda. Binobarin Prezidentimizning viloyatga har bir tashrifidan keyin hududda jiddiy o'zgarishlar yuz beradi, ko'rkiga-ko'rk qo'shiladi, aholining kayfiyati yanada ko'tariladi.

Munosabat

Davlat rahbari bu viloyatda, eng avvalo, uy-joy, keyin bandlik masalasi birlamchi ekanini ko'p ta'kidlaydi. Chunki viloyatda yaqin-yaqingacha ham bir hovlida uch, to'rt, hatto beshtagacha oila yashagan holatlar talaygina edi. Bugun ularning ko'p qismi Prezidentimiz olib borayotgan xalqchil siyosat tufayli o'z oilasi bilan alohida uylarda istiqomat qilyapti, hayotidan rozi bo'lib yashayapti. Buning katta baxt ekanini yillar davomida bir kichik vatan — boshpana umidida mashaqqat chekkanlar chuqur his etadi. Xususan, nogironligi bo'lgan, kam ta'minlangan, ko'p bolali oilalar, boquvchisini yo'qotganlarga imtiyozli uy-joy berish asl insoniylikning amaldagi ifodasi bo'lmoqda.

Qachonki, insonning hayotdagi og'ir tashvishlari arisa, yorug' kunlarga ishonch bilan yashaydi. Bundaylar nafaqat o'z uyini, balki mahallasini ham obod qiladi, jamiyatda munosib o'ngida yuz bersa, bilingki, jamiyatdagi har bir fuqaroning yashashga, hayotga bo'lgan intilishi kuchayadi.

Bugun andijonliklar katta-katta loyihalar va ulkan

bunyodkorlik ishlariga, yangiliklarga birinchilardan bo'lib qo'l ura boshladi. Eng muhimi, ahilikda yashashning yuksak namunasini butun mamlakatga namoyon eta olyapti. O'tgan yili viloyatda 4 mingdan ziyod yangi tadbirkorlar ish boshladi, 450 ming aholi ishli bo'ldi. Minglab oilalarga baraka kirdi. Viloyatda 1,5 mln. kvadrat metr turarjoy va 850 ming kvadrat metr noturarjoylar qad ko'tardi. Buning hisobiga o'tgan yili savdo va xizmatlar hajmi 13 foizga, sanoat 7,5 foizga oshdi.

Hayot bir joyda to'xtab turmaydi. Andijonda iqtisodiy salohiyat, yangi loyihalar va tashabbuslar ko'p. 2025-yilda Andijon viloyatida kamida 6 foiz iqtisodiy o'sishni ta'minlab, yalpi hududiy mahsulotni 105 trln. so'mdan oshirish, 305 ming aholini band qilib, 150 ming odamni kambag'allikdan chiqarish imkoniyati ko'zda tutilmoqda. Bu yil xorijiy investitsiyalar hajmini 3,1 mlrd. dollarga yetkazish, 1 mlrd. dollarlik 23 ta yirik, 321 ta kichik va o'rta loyihani ishga tushirish, eksportni 1,5 mlrd. dollarga, mahalliyashtirish hajmini 10 trln. so'mga olib chiqish ustida ish olib borilyapti, bu andijonliklarning hayotini yanada yaxshilash kafolati bo'lib xizmat qiladi.

DIPLOMATIK MULOQOT AFZALLIKLARI

Oliy Majlis Senatida 24-aprel — Tinchlik uchun xalqaro ko'p tomonlama munosabatlar va diplomatiya kuniga bag'ishlab “Xalq diplomatiyasi — sayyorada tinchlik sari yo'l” mavzuida seminar o'tkazildi.

Seminar

Mazkur sana jamiyatni birlashtirish, nizolarni hal qilishda diplomatik muloqotning afzalligini e'tirof etish hamda qon to'kilishi, begunoh insonlar qurbon bo'lishi, vayronagarchilik va buzg'unchilikni keltirib chiqaruvchi jarayonlar — muzokaralardan bosh tortish va bahsli masalalarni kuch bilan hal qilishga urinishlarning salbiy tomonlarini ko'rsatish maqsadida har yili nishonlab kelinadi.

Ma'lumki, bugungi kunda davlatlar oldida paydo bo'layotgan turli masalalarni yangi yondashuv — ko'p tomonlama munosabatlar yo'li bilan bartaraf etish yaxshi an'anaga aylandi. Iqlim o'zgarishi, terrorizm, qashshoqlik, savdosizlikka barham berish va xavfsizlikni ta'minlash kabi masalalar xalqaro munosabatlar ishtirokchilari tomonidan birlamlik, hamfikrlilik va o'zaro hamjihatlik asosida hal qilib kelinayotgani fikrimizni yaqqol tasdiqlaydi.



Muhokama

ILLATGA QARSHI MUROSASIZLIK MUHITI — ASOSIY MASALA

Oliy Majlis Senati huzurida tashkil etilgan ishchi guruh tomonidan Aholi va davlat xizmatchilarining huquqiy ongi hamda madaniyatini yuksaltirish, jamiyatda korruptsiyaga nisbatan murosasizlik muhitini shakllantirish bo'yicha 2025-yilga mo'ljallangan chora-tadbirlar ijrosi muhokama qilindi.

Qayd etish kerakki, davlatimiz rahbarining Oliy Majlis yuqori palatasining birinchi majlisidagi nutqida belgilangan ustuvor vazifalarni amalga oshirish bo'yicha qabul qilingan Senatning Harakatlar dasturiga ko'ra Senat Kengashining tegishli qarori bilan Aholi va davlat xizmatchilarining huquqiy ongi hamda madaniyatini yuksaltirish, jamiyatda korruptsiyaga nisbatan murosasizlik muhitini shakllantirish bo'yicha 2025-yilga mo'ljallangan chora-tadbirlar rejasini tasdiqlanib, ijroga qaratilgan va mas'ul tashkilotlar vakillaridan iborat ishchi guruh tarkibi tasdiqlangan.

Senatorlar, vazirlik va idoralar, nodavlat notijorat

tashkilotlari, ommaviy axborot vositalari vakillari ishtirok etgan tadbirda ishchi guruh tomonidan o'tgan davr mobaynida amalga oshirilgan ishlar, shu jumladan, davlat organlari va tashkilotlarining ochiqlikni ta'minlashga qaratilgan faoliyati tahlil qilindi, soha mutaxassislari hamda amaliyotchi olimlarning fikrlari tinglandi.

Ta'kidlanganidek, Aholi va davlat xizmatchilarining huquqiy ongi hamda madaniyatini yuksaltirish, jamiyatda korruptsiyaga nisbatan murosasizlik muhitini shakllantirish bo'yicha 2025-yilga mo'ljallangan chora-tadbirlar rejasiga ko'ra bugungi kunga qadar qator ishlar amalga oshirilgan.



Oliy Majlis Qonunchilik palatasida

Oliy Majlis Qonunchilik palatasining navbatdagi majlisi bo'lib o'tdi. Majlis avvalida Qonunchilik palatasi Spikeri N. Ismoilov Prezidentimizning Andijon viloyatiga tashrifi va mamlakatimiz hayotidagi boshqa muhim voqealiklar haqida to'xtalib o'tdi.

Davlatimiz rahbari Andijon viloyatiga tashrifi davomida xalpo etilgan “Yangi O'zbekiston” bog'idagi xalq saylida qatnashib nutq so'zlagani, ushbu nutq viodiy ahlining kayfiyatini ko'tarib, ertangi kunga ishonchini yanada mustahkamlagani, andijonliklarni yangi marralar sari undagani aytili.

Spiker 18-aprel kuni Prezident raisligida dunyoda yuz berayotgan iqtisodiy tebranishlarning soha va tarmoqlarga ta'sirini kamaytirish chora-tadbirlari

muhokamasi bo'yicha o'tkazilgan videoselektor yig'ilishi ahamiyatiga ham to'xtalib o'tdi. Qonunchilik palatasi mazkur yig'ilishda ko'rsatib o'tilgan masalalarning amaldagi ijrosini ta'minlashda harakat qilishi kerakligini ta'kidladi.

Shuningdek, futbol bo'yicha 17 yoshgacha bo'lgan O'zbekiston terma jamoasi Osiyo kubogini qo'lga kiritib, chempion bo'lganiga e'tibor qaratdi va ushbu tarixiy g'alaba barchamizga faxr-iftixor bag'ishlagani, Prezidentimiz terma jamoa a'zolariga tabrik yo'llaganini alohida qayd etdi. Ushbu g'alaba yurtimizda sportga, jumladan, futbol rivojiga berilayotgan yuksak e'tiborning yana bir amaliy natijasi ekanini e'tirof qilindi.



ONA QALBI OYOQQQA TURSA...

Dunyo shu kunga qadar boshdan kechirgan urushlarning gura birini olmaylik, undagi bemisl vahshiyliklar, vayronkorliklardan, eng avvalo, ayollar va bolalar jabr ko'rgani ayni haqiqatdir.

Bedor o'ylar

BMT Xavfsizlik Kengashining 2000-yil 31-oktyabrda qabul qilingan “Ayollar, tinchlik va xavfsizlik” to'g'risidagi rezolyutsiyasida ilk bor xotin-qizlar va bolalar qurolli mojarolardan eng ko'p jabr ko'radigan qatlam ekanini, shuningdek, ular aniq maqsadga yo'naltirilgan tajovuz va zo'ravonliklarga tobora ko'proq duchor bo'layotgani ifoda etilgani bejiz emas. Keyinchalik ayni yo'nalishda yana bir qator qo'shimcha rezolyutsiyalar ham qabul qilingan. Ushbu hujjatlarda BMT, unga a'zo davlatlar va hamkorlarining mojarolar domida qolgan xotin-qizlar ehtiyojlari va talablari hisobga

olinishini ta'minlash hamda barqaror tinchlik o'rnatish borasidagi majburiyatlari bayon etilgan.

Tarixdan ayonki, yurtimiz xotin-qizlari — bizning onalarimiz, momalarimiz ham urushning o'ta og'ir jabru sitamlarini boshidan kechirgan. Xususan, Ikkinchi jahon urushi boshlanganida respublikamiz aholisi 6,5 million kishini tashkil etgan bo'lsa, shundan 1 million 950 mingdan ortig'i qonli janglarda qatnashgan, 538 mingdan ziyodi jang maydonlarida halok bo'lgan, 158 ming nafardan ko'prog'i bedarak ketgan. Albatta, ularning har biri bir

onaning o'g'li, bir ayolning sevgan yoni, bir qizning mehribon otasi, bir oilaning suyangani tog'i edi. Shunday katta yo'qotishlarda ham bizning momalarimiz, onalarimiz “Hamma narsa — front uchun, hamma narsa — g'alaba uchun!” deb yashagan, halovatdan voz kechgan, tinim bilmay mehnat qilgan, matonat ko'rsatgan. Armiya uchun paxtali kombinezonlar, etik va qo'ng'ir botinkalar tikilayotgan, vagonlarda to'p-to'p gazlama, tonnalab g'alla, poliz mahsulotlari, quruq va ho'l mevalar jo'natilayotgan kadrlarni bir kinoxronikalarda ko'p ko'rganmiz. O'zbekiston urush yillarida front ortidagi mustahkam ta'minot bazasiga aylangani ham tarixdan ma'lum. Yurtimizdan jang maydonlariga katta miqdorda qurol-yarog', oziq-ovqat, dori-darmon, kiyim-kechak, palatka, parashyut va boshqa zarur mahsulotlar yuborilgan.

Bularning barchasini tikib, tayyorlab, ekip, yig'ib-terib olgan, biroq o'zi yemay-kiymay keksalar va bolalarni yoniga olib tunu kun asosiy mehnatni qilgan xotin-qizlar bo'lgan.

Erkaklar frontga safarbar etilgani bois traktorchiilik, tokariilik, slesariilik kabi kasblarni o'rganib, dalaga chiqib qishloq xo'jaligi ishlarini qo'lga olganlar ham ayollar edi. Urush oqibatida yetim qolgan 250 mingdan ziyod bolalarni bag'riga bosgan ham o'zbek oilalari, bizning onalarimiz bo'lgan. 14 nafar bolani o'z tarbiyasiga olgan Shoahmad ota Shomahmudov oilasi sharafiga yaratilgan “Sen yetim emassan” filmidagi manzaralarni hali-hanuz ko'zimizda yosh bilan ko'ramiz. Bahri ayanning matonatiga tasannolar aytamiz.

Davlatimiz rahbari tashabbusi bilan G'alaba bog'i markaziga Zulfiya Zokirova va uning frontdan

Xalq so'zi
Narodnoye slovo

TANLOVIGA

qaytmagan besh o'g'li, sadoqatli kelinlari xotirasiga atab muhtasham haykal o'rnatilgani, unga “Matonat madhiyasi” deya nom berilgani ham bejiz emas. Bu urush yillarida o'zbek ayollari ko'rsatgan jasorat va qahramonliklarga yuksak ehtirom edi.

Biz ana shunday sabr va matonatli, Vatan tinchligi uchun jonini ayamagan onalarning farzandlarimiz. Albatta, bundan faxr va iftixorimiz cheksiz. Lekin faqat ajdodlarimiz bilan faxrlanib, bu tinch hayotimiz qanchalik yo'qotishlar, qanchadan-qancha og'ir va sitamli mehnat evaziga kelganini anglamasak, qadriga yetmasak, u mangu muqarrar deb o'ylab, beparvolik qilsak, albatta, katta xato bo'ladi.



DIPLOMATIK MULOQOT AFZALLIKLARI



ILLATGA QARSHI MUROSASIZLIK MUHITI – ASOSIY MASALA

✚ Xususan, davlat organlari va tashkilotlarining ochiqlikni taʼminlashga masʼul boʻlgan xodimlarini “Ye-learning” elektron taʼlim platformasida onlayn oʻqitish ishlari yoʻlga qoʻyilgan. Korrupsiyaga qarshi kurashish agentligi tomonidan “Ochiq maʼlumotlarga kirish” hamda “Ochiqlik boʻyicha davlat siyosati” mavzularida 2 ta kurs yaratilib, unda 119 ta tashkilotdan ming nafar xodim tizimda roʻyxatdan oʻtkazilgan va 670 tasi kursni tamomlab sertifikatlarga ega boʻlgan.

Shuningdek, mahalliy Kengashlarning Korrupsiyaga qarshi kurashish va xavfsizlik masalalari boʻyicha doimiy komissiyalari aʼzolari, kotibiyat mudirlari hamda ishchi guruh aʼzolari bilan “Korrupsiyaga qarshi kurashish agentligining 2024-yildagi davlat organlari va tashkilotlari faoliyati shaffofligini baholash boʻyicha “Ochiqlik indeksi” maʼlumotlari tahlili” mavzuida seminar tashkil etildi.

Unda taʼkidlanishicha, Korrupsiyaga qarshi kurashish agentligi, Savdo-sanoat palatasi, “Ijtimoiy fikr” respublika jamoatchilik fikrini oʻrganish markazi, “Yuksalish” umummilliy harakati va “Taraqqiyot strategiyasi” markazi hamkorligida soʻrovnomaga oʻtkazilib, unda 51 ta davlat xaridi operatorlari, 418 ta davlat buyurtmachisi hamda 1 ming 115 ta tadbirkorning ishtiroki taʼminlangan.

Korrupsiyaga qarshi kurashish borasida ilgʻor xorijiy tajribalar oʻrganilib, Finlyandiya Adliya vazirligining “Mahalliy hokimiyatlarda korrupsiyaga qarshi kurash – samarali boshqaruv sari qadamdir” nomli uslubiy qoʻllanmasi oʻzbek tilida nashr etilgan va komplayens xizmatlari faoliyatiga tatbiq qilish bilan bogʻliq ishlar amalga oshirilgan.

Qoʻllanmada “korrupsiya” tushunchasi, shakllari va uni aniqlash masalalari, Finlyandiyaning korrupsiyaga qarshi kurashish va uning oldini olishga oid normativ-huquqiy hujjatlari, mahalliy hokimiyat tizimida xavf-xatar zonalarini, samarali ichki va tashqi nazorat hamda korrupsiyaga qarshi kurashish borasidagi ilgʻor tajribalari yoritilgan. Davlat organlari va tashkilotlari xodimlari hamda keng aholi qatlamlari qoʻllanmadan foydalanishi uchun “Yurkitob.uz” platformasiga joylashtirilgan.

Shuningdek, oliy taʼlim muassasalarining rasmiy veb-saytlarida “Korrupsiyaga qarshi kurashish” ruכלari ochilib, unda turli mavzulardagi 738 ta targʻibot materiali va maʼlumot oʻrin olgan.

Oliy taʼlim muassasalarining ijtimoiy tarmoqlardagi sahifalarida “#Stop korrupsiya” xeshtegi ostida 485 marotaba chellenj oʻtkazilib, ushbu tadbirda 57 ming 140 ta xodim, professor-oʻqituvchi hamda talaba-yoshlar ishtiroki taʼminlangan.

Muhokama ishtirokchilari bugungi kunda korrupsiyaga qarshi kurashish dolzarb masala ekanligi bois aholi va davlat xizmatchilarining huquqiy ongi hamda madaniyatini yuksaltirish, jamiyatda korrupsiyaga nisbatan murosasizlik muhitini shakllantirish masalalari qonunchilikda oʻz aksini topishi hamda tezroq amaliyotga tatbiq etilishi yuzasidan normativ-huquqiy hujjatlar takomillashtirilayotganini aytishdi.

Yigʻilish yakunida ishchi guruh aʼzolari tomonidan bildirilgan taklif va mulohazalar inobatga olinib, chora-tadbirlar rejasining ijrosini oʻz vaqtida va toʻliq taʼminlashga qaratilgan ishlarni yanada faollashtirishga kelishib olindi.

“Xalq soʻzi”.



Bunda siyosiy, mafkuraviy hamda iqtisodiy qarama-qarshilikdan tortib diniy yoki etnik xususiyatlarga ega boʻlgan turli daraja va mazmundagi mojarolarni tinch yoʻl bilan hal etish, tinchlik yoʻlidagi har qanday tashabbuslarni ommalashtirish maqsadidan kelib chiqiladi.

Tadbirda parlament yuqori palatasi aʼzolari, Mirzo Ulugʻbek nomidagi Oʻzbekiston Milliy universiteti hamda Jahon iqtisodiyoti va diplomatiya universiteti professor-oʻqituvchi va talabalari, shuningdek, ommaviy axborot vositalari xodimlari ishtirok etdi.

Seminarda nizolarni hal qilishda muloqot asosiy vosita ekanligi taʼkidlandi. Ishtirokchilar muzokaralardan bosh tortish, zoʻravonlik, insonlar oʻlimi va vayronagarchiliklarga olib keladigan masalalarni kuch bilan hal qilishga urinishning salbiy oqibatlariga eʼtibor qaratdi.

Oʻz navbatida, talabalar ham hamkorlikni yanada rivojlantirish va yoshlar diplomatiyasini mustahkamlashga qaratilgan bir qator muhim tashabbus hamda takliflar bildirdi.

“Xalq soʻzi”.

XALQCHIL TASHABBUSLAR QONUNLARNI TAKOMILLASHTIRISHGA YOʻL OCHADI

Kuni kecha davlatimiz rahbarining “Korrupsiyaga qarshi kurashish tizimini yanada takomillashtirish boʻyicha belgilangan ustuvor vazifalar ijrosini samarali tashkil etishga doir chora-tadbirlar toʻgʻrisida”gi Farmoni qabul qilindi.

Aks sado

Ushbu muhim hujjat joriy yilning 5-mart kuni Korrupsiyaga qarshi kurashish boʻyicha milliy kengashning kengaytirilgan yigʻilishida belgilangan ustuvor vazifalar ijrosini taʼminlash, shuningdek, korrupsiyaga qarshi kurashish borasida yangi tizimni joriy etib, ushbu masalaga jamoatchilik, parlament va



tasdiqlaydi va ustidan nazoratni taʼminlaydi. Farmonning biz, parlament

“ Farmonning biz, parlament aʼzolari uchun muhim jihatlaridan biri – unda Oliy Majlis palatalari zimmasiga alohida vazifa yuklangani. Yaʼni korrupsiyaga qarshi kurashish faqat ijro hokimiyatining emas, balki qonun chiqaruvchi organlarning ham doimiy eʼtiborida boʻlishi kerakligi belgilanmoqda. Unga koʻra deputat va senatorlar tomonidan har yili byudjetdan eng koʻp mablagʻ oladigan uchta vazirlik va idorada korrupsiyaviy omillar aniqlanib, ularni bartaraf etish boʻyicha takliflar kiritiladi.”

fuqarolik jamiyati institutlarini keng safarbar etish maqsadida ishlab chiqilganini taʼkidlash joiz. Qolaversa, unda vazirlik va idoralar rahbarlariga mazkur hujjat hamda uning doirasida belgilangan vazifalarning sifatlari, oʻz vaqtida va soʻzsiz bajarilishi yuzasidan shaxsiy javobgarlik ham yuklatilgan.

Endilikda Korrupsiyaga qarshi kurashish boʻyicha milliy kengash har yili hududlar kesimida korrupsiyaning oldini olish, unga qarshi kurashish, shu jumladan, maishiy korrupsiyaga barham berish, korrupsiyaga nisbatan murosasiz munosabatda boʻlish muhitini shakllantirish boʻyicha “Yoʻl xaritasi”ni

aʼzolari uchun muhim jihatlaridan biri – unda Oliy Majlis palatalari zimmasiga alohida vazifa yuklangani. Yaʼni korrupsiyaga qarshi kurashish faqat ijro hokimiyatining emas, balki qonun chiqaruvchi organlarning ham doimiy eʼtiborida boʻlishi kerakligi belgilanmoqda. Unga koʻra deputat va senatorlar tomonidan har yili byudjetdan eng koʻp mablagʻ oladigan uchta vazirlik va idorada korrupsiyaviy omillar aniqlanib, ularni bartaraf etish boʻyicha takliflar kiritiladi.

Shuningdek, parlament aʼzolari zimmasida xalqaro tajribani oʻrganib kibermakonda korrupsiyaga qarshi samarali

kurashish boʻyicha mustahkam huquqiy baza yaratish hamda xalqchil tashabbuslar asosida qonunlarni takomillashtirish yuzasidan takliflar ishlab chiqish, ishchi guruh tuzib “jinoʻyatchilikka qarshi kurashish haftaligi” doirasida har oyning 1 – 5 sanalarida “qizil” toifadagi mahallalarda jinoyatlarning kelib chiqish sabablarini chuqur tahlil qilish, hududiy prokurorlar va ichki ishlar organlari boshliqlari faoliyati samaradorligini oshirish boʻyicha tavsiyalar berish kabi muhim vazifalar turibdi.

Masalaning yana bir muhim jihati, Farmon bilan Oliy Majlis palatalariga korrupsiyaning oldini olish boʻyicha alohida masʼuliyat yuklanmoqda. Ular tomonidan aniq va manzilli ishlarning bajarilishi davlat mablagʻlaridan maqsadli foydalanish, investorlar ishonchini mustahkamlash, mahalliy byudjetlarda sarf-xarajatlarning samaradorligini oshirish, aholi turmush sifatini yaxshilashga xizmat qiladi. Shu bois Oliy Majlis palatalari faoliyati nafaqat siyosiy, balki iqtisodiy barqarorlik nuqtayi nazaridan ham muhimdir.

Ushbu Farmon korrupsiyaga qarshi kurashishda davlat organlari va jamoatchilik oʻrtasidagi hamkorlikni yangi bosqichga koʻtarish, korrupsiyaga oid jinoyatlarning oldini olish hamda ularga zamin yaratayotgan sabab va omillarni bartaraf etishga qaratilgan muhim qadamdir.

Abdulkhakim ESHMURATOV,
Oliy Majlis Senatining Sud-huquq masalalari va korrupsiyaga qarshi kurashish qoʻmitasi raisi.



Davlatimiz rahbari raisligida 9-aprel kuni hududlarning turizm salohiyatini oshirish, xorijiy investitsiya loyihalarini jadallashtirish masalalari muhokamasiga bagʻishlangan videoselektor yigʻilishi soha rivojida yangi davrni boshlab berdi, desak, mubolagʻa boʻlmaydi.



Yigʻilishda taʼkidlanganidek, soʻnggi yillarda mamlakatimizning turizm eksporti 1,6 karra oshib 3,5 milliard dollarga yetdi. Sohada 2 mingdan ortiq tadbirkorlar yangi ish boshladi. Saʼy-harakatlar natijasi oʻlaroq oʻtgan yili xorijiy sayyohlar tashrifi ilk bor 10 millionlik marradan oshdi. Mazkur raqamlarni avvalgi yillardagisi bilan solishtiradigan boʻlsak, yurtimizga tashrif buyurgan sayyohlar soni 2024-yilda oldingi yildagiga nisbatan qariyb 1,5, 2022-yildagiga nisbatan esa 2 barobar oshgan.

Bu albatta, mamlakatimizda turizm sohasiga oid normativ-huquqiy asoslar takomillashtirilib, soha tadbirkorlariga 100 ga yaqin soliq imtiyozlari, subsidiya, grant va boshqa turdagi preferensiyalar berilgani, milliy turizm salohiyatini ichki va tashqi bozorlarda keng targʻib qilish uchun sharoitlar yaratilganining samarasidir.

Qolaversa, mamlakatimizda qulay sayyohlik muhiti shakllantirildi. Xususan, viza rejimi liberallashtirildi, elektron, tibbiyot, talaba, ziyorat va akademik viza turlari joriy qilindi.

Aytilganidek, hududlarda turizm va servis infratuzilmasi jadal rivojlanmoqda. Bu borada, oxirgi sakkiz yilda 6,5 milliard dollar sarmoya kiritilib, 130 mingta mehmon oʻrni yaratilgan. Xorijiy davlatlarda yurtimizning turistik salohiyati baralla eʼtirof etilmogʻda. Xususan, bugungi kunda “BBC”, “Euronews” kabi nufuzli telekanallarda, 20 dan ortiq xalqaro koʻrgazmalarda Oʻzbekistonga sayohat keng targʻib qilinmoqda.

Aslida ham, yurtimizda turizmning rivojlanishi iqtisodiy oʻsish vositasi sifatida ulkan salohiyatga ega boʻlib, mamlakatning xalqaro miqyosda tan olinishiga xizmat qilyapti. Bugungi kunda uni iqtisodiyotning asosiy tarmogʻiga aylantirish boʻyicha qator tadbirlar va dasturlar amalga oshirilyapti.

Darhaqiqat, Oʻzbekiston turizmni rivojlantirish uchun ulkan salohiyatga ega boʻlib, mamlakatimizda 7400 dan

ortiq madaniy meros obyektlari mavjud va ulardan 209 tasi YUNESKOning Jahon merosi roʻyxatiga kiritilgan.

Yigʻilishda turizmni yanada rivojlantirish, turistlar oqimini koʻpaytirishga qaratilgan vazifalar belgilab olindi. Endi bu imkoniyatlardan foydalanib sohadagi salohiyatli bozorlardan sayyohlarni jalb qilish, soʻrildan-toʻgʻri aviaqatnovlarni yoʻlga qoʻyish boʻyicha koʻrsatmalar berildi. Ayni paytda ishlab chiqilyotgan Milliy turizm yagona platformasiga elektron viza berish, chipta olish jarayonlari ham ulanishi, barcha tarixiy obidalarga kirish imkonini beradigan “yagona turistik karta” joriy qilinishi belgilandi.

Eʼtiborlisi, soʻnggi yillarda ichki turizmga ham eʼtibor tufayli mahalliy sayyohlar soni oʻtgan yilda 23 milliontaga yetdi (taqqoslash uchun: 2017-yilda bu 5 millionta boʻlgan). Endilikda ichki turizmni yanada rivojlantirish maqsadida, har oyning bir shanba-yakshanbasi “Oila va jamoa bilan sayohatga chiqish kuni” deb eʼlon qilindi, yoshlar oʻrtasidagi musobaqa gʻoliblariga Oʻzbekiston boʻylab sayohat yoʻllanmasi beriladigan boʻldi.

Ushbu chora-tadbirlarni amalga oshirish orqali bu yil 15 million turistni jalb qilish va eksportni 4 milliard dollarga yetkazish marrasi qoʻyildi. Turizmning oʻsishi esa aeroportlar, yoʻllar, mehmonxonalar va boshqa obyektlarni qurish hamda modernizatsiyalash kabi infratuzilmalarga investitsiyalarni jalb qiladi. Bu, oʻz navbatida, mehmonxona, umumiy ovqatlanish, transport va hunarmandchilik kabi turli sohalarda ish oʻrinlarining yaratilishiga olib keladi.

Umuman olganda Oʻzbekistonda turizmning rivojlanishi barqaror iqtisodiy oʻsish, daromadlarni diversifikatsiyalash va mamlakatning xalqaro taʼsirini kengaytirishga xizmat qiladi.

Zumrad BEKATOVA,
Oliy Majlis Senatining Sud-huquq masalalari va korrupsiyaga qarshi kurashish qoʻmitasi aʼzosi.

ONA QALBI OYOQQQA TURSA...



Aksincha, tinchlik va osoyishtalik, yurt taraqqiyoti bardavom boʻlishi uchun ayol, ona sifatida aql-idrokimiz, kuch-quvvatimizni ayamasak, ularning chin maʼnodagi davomchilari ekanligimizni isbotlaymiz. Bizning bu boradagi saʼy-harakatlarimiz esa, eng avvalo, kelajagimiz boʻlgan yoshlar, farzandlarimiz tarbiyasiga eʼtibordan boshlanadi.

Prezidentimiz shu yil 8-mart – Xalqaro xotin-qizlar kuniga bagʻishlangan tantanali marosimdagi nutqida bugungi tahlikali zamonda jahon miqyosida kuchayib borayotgan radikalizm, ekstremizm, terrorizm, odam savdosi, giyohvandlik, hayotga yengil-yelpi, isteʼmolchilik kayfiyati bilan qarash kabi xatarlardan yoshlarimizni himoya qilish oʻta dolzarb masalaga aylanayotganini taʼkidlab, yurtimizdagi barcha ayollarga murojaat qilgan edi.

Xususan, oilada farzand tarbiyasiga eʼtiborni kuchaytirishimiz, bogʻcha, maktab va oliygoʻrlarga kirib borishimiz, oʻqituvchi va murabbiylar bilan koʻproq muloqot qilib, farzand va



sodiq, hayoli va iboli, mustahkam irodali insonlar etib tarbiyalash uchun barchamiz birgalikda harakat qilishimiz lozimligini, bu jarayonni avvalo oiladan, mahalladan boshlash zarurligini aytib, “Ezgulik – shiorimiz, maʼrifat – qurolimiz” degan gʻoya ilgari surildi.

Darhaqiqat, dunyo yaralibdiki, farzand tarbiyasida onaning rolini hech kim inkor eta olmaydi. Zero, uni dunyoga keltirgan ham ona, oq sut, mehr berib ulgʻaytirgan ham ona. Ana shu uzviy rishta bois ular bir-birini nafaqat jisman, balki qalban tinglaydi. Qolaversa, bugun ayollarimiz yurtimizda va jahonda boʻlayotgan voqea-hodisalardan bexabar emas. Ular – oʻqimishli, tadbirkor, kasb-hunarli, ong-saviyali va madaniyatli. Bu esa farzand

tarbiyasida yanada oqilona yondashuv imkonini beradi.

Muhimi, shu musaffo osmon ostida, jannatmonand Vatanda farovon hayot kechirayotganimiz, biz bahramand boʻlayotgan imkoniyat va sharoitlarning barchasi mana shu oliy neʼmat – tinchlik tufayli ekanini, avvalo, oʻzimiz anglab, shukrona keltirib yashasak, bu tuygʻu farzandlarimizga ham koʻchadi.

Toʻgʻri, urush maydonlarida jangu-jadallarni koʻrganlar oramizda kam qoldi. Ammo uning asorat va oqibatlarini, yoʻqchilikni, urushdan keyingi mashaqqatli hayotni koʻrganlar bor. Ularni yoʻqlash, oʻquvchilar, mahalla yoshlari bilan uchrashtirish, huzurlariga borib suhbatlarini olish, ularga quloq tutish yoshidan qatʼi nazar, har bir insonning koʻnligiga yetib boradi, barcha neʼmatlarning qadriga yetishga undaydi.

Qoraqalpogʻiston Respublikasining Taxtakoʻpir tumanidagi Oʻzbekiston mahallasida 120 yoshdan oshgan Bibixon momo Akimiyazova istiqomat qiladi. Urush yillari uning otasi va uch nafar ogʻasi jangga ketgan. Shulardan bir ogʻasi tirik qaytgan, lekin u ham

jarohatlari sabab uzoq yashamay vafot etgan. Bibixon momo turmushga chiqqan, ammo farzand koʻrmagan. Oʻshanda doʻxtirlar “bu ayol kuyib ketgan”, degan ekan. Urushdan oldin va urush yillaridagi

qiynchiliklar haqida koʻp eslaydi, – deydi suhbatdoshimiz. – “Kun boʻyi dalada ishlab, kechqurun tegirmonga ketardik, qishloqda bir tegirman boʻlgani uchun navbat kutib qolardik. Unni olib kelib,

“Dunyo yaralibdiki, farzand tarbiyasida onaning rolini hech kim inkor eta olmaydi. Zero, uni dunyoga keltirgan ham ona, oq sut, mehr berib ulgʻaytirgan ham ona. Ana shu uzviy rishta bois ular bir-birini nafaqat jisman, balki qalban tinglaydi. Qolaversa, bugun ayollarimiz yurtimizda va jahonda boʻlayotgan voqea-hodisalardan bexabar emas. Ular – oʻqimishli, tadbirkor, kasb-hunarli, ong-saviyali va madaniyatli. Bu esa farzand tarbiyasida yanada oqilona yondashuv imkonini beradi.”

qiynchiliklar, oʻziga suyanchiq boʻlgan toʻrt alpni yoʻqotishi, uning asabi va sogʻligiga juda yomon taʼsir qilgan va natijada bepust boʻlib qolgan. Bugun u marhum akasining nevarasi va nevara kelin bilan birga yashaydi.

Biz Bibixon momoni charchatib qoʻymaslik uchun xonadon kelinini Gulnaz Adipova bilan suhbatlashdik.

– Momomiz urush yillaridagi

xamir qorib non yogpogunimizcha tong otardi. Va yana dalaga yoʻl olardik. Ogʻir, yoʻqchilik zamoni edi”, deya hikoya qiladi. “Bugungi toʻkin-sochin kunlarning qadriga yeting, yurtimiz tinchligiga koʻz tegmasin”, deb duoga qoʻl ochadi.

Bibixon momo va uning zamondoshlari koʻrgan azoblar bugungi hayotimizga begona boʻlsa-da, gʻoyat murakkab va tahlikali zamonda

yoshlarimizga tarix saboqlarini yodda tutish kerakligini uqtiradi. Biz bu hikoyalardan kuch-quvvat olamiz. Bu bizni tinchlikni asrab, ahil-inoq boʻlib yashashga daʼvat etadi.

Albatta, jamiyatda osoyishtalikni taʼminlashda hamjihatlik juda muhim. Har bir ona oilasida farzandlarini ahillikka oʻrgatsa, ularning qalbiga odob-axloq tushunchalarini bolalikdan singdirib borsa, mamlakatlarni imzoladig oʻzaro tutuvlik barqaror boʻladi. Zero, yurt tinchligi oila, mahalla tinchligidan boshlanadi. Qolaversa, farzandlarimizni Vatand mustaqilligini asrab-avaylash, uni yot kuchlar va gʻoyalardan himoyalashga qodir qilib tarbiyalash ham avvalo onalarning qoʻlida. Suyukli shoirimiz Zulfiyaning bundan yetmish yil muqaddam yozgan:

Ona qalbi oyoqqa tursa,
Oʻgʻlim, sira boʻlmaydi urush,
degan mashhur satrlari bugun ham aslo oʻz kuchini yoʻqotgan emas. Ona qalbi oyoqqa tursa, ona tafakkuri yuksak va uygʻoq boʻlsa, ona tinchlikparvar, vatanparvar boʻlsa, farzandlar ham, albatta, shunday boʻladi.

Nazira MATYAQUBOVA,
Qoraqalpogʻiston Respublikasi Joʻqorgʻi Kengesi deputati, Oʻzbekiston Respublikasida xizmat koʻrsatgan jurnalist.



FARZANDLARIMIZ UCHUN MUHIM AHAMIYATGA EGA LOYIHA

O'zbekiston Oliy ta'lim, fan va innovatsiyalar vazirligi, Xalqaro Nordik universiteti, Shvetsiyadagi elchixonamiz va uning huzuridagi Milliy madaniyat markazi hamkorligida yurtimizdan uzoqda – Yevropa davlatlari, xususan, Nordik mamlakatlaridagi vatandoshlarimizning farzandlari uchun katta hayotiy ahamiyatga ega loyiha – ona tilini asrash va avlodlar orasida milliy qadriyatlar uzviyligini ta'minlashga qaratilgan onlayn o'zbek tili kursi loyihasi yo'lga qo'yilmoqda.

Nuqtai nazar

Bu loyiha shunchaki ona tili darsi emas, balki chet ellarda ham milliy o'zlikni unutmashlik, O'zbekiston va uning qadriyatlarini qalbilda bardavom saqlash harakatidir. Milliy o'zlik, avvalo, bu – til. Til orqali esa qalblarda Vatan va unga sodiqlik ruhi hukmron bo'ladi.

Bugun dunyoning turli nuqtalari, xususan, Nordik mamlakatlari – Shvetsiya, Norvegiya, Daniya, Finlyandiya va Islandiya, shuningdek, Yevropaning boshqa mamlakatlarida istiqomat qiluvchi vatandoshlarimiz soni yildan-yilga ortib bormoqda. Markaziy Osiyo, jumladan, yurtimizning ko'p ming sonli fuqarolari mehnat faoliyatlarini amalga oshirib kelmoqda. Birgina Shvetsiyadan o'zida hozirda 15 ming nafardan ortiq vatandoshlarimiz yashaydi.

Xorijiy davlatlarda malakali, mehnatsevar ishchilarga talab ortib borayotgan bir paytda o'zbekistonliklarning o'z kasbiy salohiyatlarini namoyish etish, turli sohalarida mehnat faoliyatini amalga oshirish uchun qulay sharoitlar yaratilmoqda. Muhojir bolalar uchun esa maxsus til o'rgatish va integratsiya dasturlari mavjud bo'lib, bu ularning mahalliy maktablarga tez va samarali moslashishini ta'minlamoqda. Bu holat esa o'z-o'zidan O'zbekiston bilan bog'lanish, ona tilimiz va milliy qadriyatlarimizni yangi avlodga yetkazish masalasini kun tartibiga qo'yadi. Zero, inson qayerda yashamasin, qalbi va fikri Vatani bilan uyg'un bo'lmasa – u mustahkam ildizga ega bo'lmagan



daraxt misolidir. Xorijdagi o'zbek farzandlari qalbida O'zbekiston, o'zbek tili va madaniyatini jonli saqlab qolish bu yurtimizning kelajagi uchun ham strategik masaladir.

Assimilyatsiya xavfi ham mavjudki, birinchi avlodga tegmaydi, lekin ikkinchi va uchinchi avlod uchun muammo bo'ladi. Tajriba shuni ko'rsatadiki, xorijga ketgan ilk avlod vatandoshlar o'z millatini, tilini, qadriyatlarini saqlab qolishga harakat qiladi. Ammo farzandlari, ayniqsa, ikkinchi va uchinchi avlodlar uchun bu rishtalar tobora zaiflashadi. Ular maktabda boshqa tilda o'qiydi, mahalliy tengdoshlari bilan o'sadi va ko'pincha O'zbekiston haqida tasavvurlari noaniq yoki faqat ota-onalar eslatmalaridan iborat bo'lib qoladi. O'zbek tilida ravon gaplasha olmaydigan, madaniy ildizlarini yaxshi bilmaydigan avlod esa vaqt o'tishi bilan o'z milliyatini unutishga mahkum bo'ladi.

Madaniy xotira va til – millatni tirik tutuvchi kuch. Har bir millatni tarixda saqlab qoladigan omillar – bu uning tili, madaniyati va tarixi. Shuning uchun ham har qanday xalq o'z farzandini shu ruhda tarbiyalaydi. Germaniyadagi turklar, Fransiya'dagi marokashliklar, AQSHdagi yaponlar, xitoyliklar o'z

farzandlariga birinchi navbatda o'z tillarini, madaniyatini, urf-odatlarini o'rgatadi. O'zbekiston ham bu borada sustkashlikka yo'l qo'ymasligi kerak.

Bunday jarayonni faqat ota-onalarning zimmasiga yuklab qo'yish adolatdan emas. Bu masalada davlat, jamoatchilik va ta'lim tizimi bir yoqadan bosh chiqarib harakat qilishi lozim. Amaliy tashabbuslar: onlayn maktablar, darsliklar, madaniy markazlar esa samarali yechimlardir.

Milliy iftixor – kuch va ishonch manbai

O'zbekistonning Shvetsiyadagi elchixonasi tashabbusi bilan Nordik universiteti tomonidan o'zbek tilini o'rganish, o'zbek madaniyati va tarixi haqida bilim berish bo'yicha turli loyihalar yo'lga qo'yilmoqda.

Xususan, shu yilning 26-aprel kuni Yevropadagi vatandoshlarimizning farzandlariga ona tilini unutmashlik uchun (o'zbek tilidan) onlayn kurs ochilishi o'tkaziladi. Unda kursning asosiy maqsadlari, dasturi, tajribali ustozlar jamoasi va kelgusi rejalari taqdim etiladi. Shvetsiya, Daniya, Norvegiya va Yevropaning boshqa mamlakatlaridagi o'zbek tilini o'rganayotgan o'quvchilar, ota-onalar va bolalar, o'qituvchilar, kursga qiziqqan barcha yurdoshlarimiz ilm sari, til sari, ildiz sari yo'naltirib boriladi.

O'zbekistonning Shvetsiya qirolicligidagi elchixonasi huzuridagi Milliy madaniyat markazi rahbari, Saleem munitsipaliteti bolalar va ta'lim bo'limi maslahatchisi Zilola Do'irasiyeva bilan hamkorlikda loyiha doirasida Nordik mamlakatlarida yashayotgan vatandoshlarimiz o'rtaida O'zbekiston va uning o'ziga xos jihatlari hamda o'zbek tilini o'qitish bo'yicha onlayn ta'lim kursida qatnashish uchun so'rovnoma o'tkazildi. Natijada onlayn maktabni qanday tashkil etish yuzasidan mazkur davlatlardagi minglab ota-onalar, bolalar, o'qituvchilarning fikrlari va takliflari o'rganilishiga erishildi.

Yana bir muhim tashabbus Xalqaro Nordik universiteti vakillari Shvetsiyadagi O'zbekiston Milliy madaniyat markazi huzurida ochilgan kutubxona fondi uchun o'zbek tilida darslik va kitoblar to'plamini yetkazdi. Vatandosh bolalarga mo'ljallangan madaniy tadbirlar, sahna ko'rinishlari, milliy bayramlar tashkil etilishi, ZOOM orqali interfaol mashg'ulotlar, viktorinalar va suhbatlar o'tkazilishi – bu kabi qator tashabbuslar yurtdan olisdagi o'zbek farzandlarining nafaqat til ko'nikmalari, balki O'zbekiston bilan ruhiy bog'liqligini ham kuchaytiradi.

Samarali hamkorlikka keng yo'l

Ta'kidlash joizki, joriy yilning 9-aprel kuni Parlamentlararo Ittifoqning 150-yubiley assambleyasida ishtirok etgan 30 nafar nufuzli delegat – Nordik davlatlari parlament a'zolarining Nordik universitetiga tashrifida ham bu borada yanada samarali hamkorlikka keng yo'l ochildi. Zero, bu sa'y-harakatlarning barchasi ta'limga integratsiya va transformatsiya jarayonlarini yanada rivojlantirish, yakka holda emas, davlatlararo hamijihatlik va uyg'unlikda rivojlanish, marralarni zabt etishga xizmat qiladi.

Farzandlarimiz kim bo'lishi kerak – yevropalik o'zbekmi yoki o'zbek yevropalikmi? Savol juda murakkab va o'ta nozik. Albatta, ular yashayotgan davlatlar qonuniga, madaniyatiga hurmat bilan qarashadi, o'sha muhitda ulg'ayadi. Lekin o'zligini unutmashligi kerak. Ular Yevropada yashayotgan o'zbek sifatida milliy iftixorga ega bo'lishi lozim. Bu ularga kuch, o'ziga ishonch beradi, kimligini anglatadi. O'zbek tilida so'zlasha oladigan, Navro'z va Mustaqillik bayramlarining

Bugun farzandlarimizni ona tili, madaniyati va milliy qadriyatlaridan uzib qo'ymaslik, bu – nafaqat tilni o'rgatish, bu – kimligini anglatish, qanday xalqqa mansub ekanini eslatish, kelajakka mustahkam ildiz bilan yo'l olishdir. Zero, ona tili yurakdan otilgan birinchi so'z, birinchi ovoz, birinchi Vatan! Ildizlarni saqlasak, "daraxtlarimiz" ham baravaj o'sadi.

Sherzod MUSTAFOQULOV,
Xalqaro Nordik universiteti rektori, professor.

Ibrat

Shahrisabz tumanining Sarchashma qishlog'i Hisor tog' tizmalari

bag'rida joylashgan. Hududning tabiati qanchalik go'zal bo'lsa, u yerga borish ham shunchalik qiyin. Buning uchun tog' so'qmoqlari bo'ylab mashinada ancha mashaqqatli yo'lni bosib o'tish kerak.

TOG'LAR BAG'RIDAGI NURXONA



2020-yilning fevralida viloyat rahbari boshchiligidagi mas'ullar shu tog'li qishloqqa borib, u yerdagi muammolarga yechim izlashgan edi. Mahalla yoshlarining talabiga ko'ra qishloqqa maxsus konteyner olib borilib, unda mo'jaz kutubxona tashkil etildi. Kutubxonaga 200 dan ortiq badiiy va ilmiy-ommabop kitoblar sovg'a qilindi.

Ochig'i, avval ham viloyatning turli hududlarida bu kabi o'nlab loyihalar amalga oshirilgan. Biroq ularning aksariyati kutilgan samarani bermagandi.

Shu bois olis tog' qishlog'idagi "Konteyner kutubxona"ning kelajagiga ham ko'pchilikning ishonmagani bor gap. Boshqa hududlardan farqli ravishda Sarchashmadagi mo'jaz kutubxonada ishlar tezda jonlandi. Bu muvaffaqiyatning asosi, avvalo, shu yerlik fidoyi yoshlardan biri, o'zi ham kitobxon yigiti Yarash Jo'rayevning faoliyati bilan bevosita bog'liq.

Avval mahalla fuqarolar yig'ida ko'chaboshi bo'lib ishlab kelayotgan Yarash Jo'rayev qishloqda yangi kutubxona ochilgach, Shahrisabz tuman axborot-kutubxona markazining Sarchashma bo'limi kutubxonachisi etib tayinlandi.

Bu vaqtda ko'chma kutubxonadagi kitoblar soni atigi 248 dona edi, – deydi u. – Shu bois ish boshlagan ilk kunlarimdanq birinchi galdagi kitoblar fondini boyitishga harakat qildim. Bu ishga ko'plab mahalladoshlarimiz o'z hissasini qo'shdi. Qolaversa, ijtimoiy tarmoqlar orqali yurtimizdagi turli nashriyotlar, olimlar, shoir va yozuvchilar bilan bog'lanib, ko'mak so'radik. Ular bundan mamnun bo'lib,

bajonidil qo'llab-quvvatladi. Kutubxonamizga shaxsan kelib, kitoblaridan sovg'a qilib ketgan ziyolilar, ijodkorlar ham, pochta orqali kitob jo'natganlar ham ko'p bo'ldi. Xullas, ayni paytga qadar faqat ichki imkoniyatlardan kelib chiqqan holda kitoblar sonini 4 mingdan oshirishga erishdik. Uni boyitishda davom etyapmiz.

Ixcham kutubxonadagi



javonlarga nazar tashlaymiz. Ularida uncha-shuncha tuman markazlaridan topish imkoni bo'lmagan asarlar ham, yaqindagina nashrdan chiqqan kitoblar ham bor. Buni ko'rib kutubxonachiyigiting chindan-da tashabbuskorligi, faolligi, qishloqdoshlarini eng yangi va yaxshi asarlardan bahramand etish uchun astoydil jon ko'yitayotganiga yana bir bora amin bo'ldik.

– Yarash Jo'rayevni ijtimoiy tarmoqlarda ham kuzatib boraman, – deydi Ma'naviyat va ma'rifat markazi Shahrisabz tuman bo'limi rahbari Shahlo Tog'ayeva. – Bu yigitning kitoblarni qanchalik sevishi va qadrlashiga, o'z ishiga bo'lgan sadoqati, fidoyiligi doim qoyil qolaman. Hatto qaysi nashriyotda qaysi kitob bosmaga tayyorlanayotganidan ham xabardor. Uni birinchi bo'lib o'z kutubxonasiga olib kelishga, qishloqdoshlarini undan bahramand etishga harakat qiladi. Bu kutubxona bilan tashkilotimiz o'rtaida ham doimiy hamkorlik yo'lga qo'yilgan. Biz ham turli tadbirlar doirasida kitoblar keltirib, kutubxona fondining boyishiga harakat qilyapmiz.

Yarash Jo'rayevning kutubxonani boyitishga astoydil bel bog'lagani bejiz emas. Chunki qishloqdoshlari kitobxon, kutubxona doimo o'quvchilar bilan gavjum. Kelayotgan har bir yangi kitob darhol qo'ldan-qo'lga o'tib o'qiladi. Umumiy aholisi atigi besh mingdan oshadigan chekka tog' qishlog'idan shu vaqtga qadar ikki nafar professor, o'ndan ortiq fan nomzodlari, shuningdek, respublika miqyosidagi tashkilotlarda faoliyat yuritayotgan yana o'nlab mas'ul rahbarlar yetishib chiqqanining boisi ham sarchashmaliklarning kitobga, ilgama oshnoligidandir.

Jahongir BOYMURODOV
("Xalq so'zi").



TURKIYA POYTXATIDA ULUG' QOMUSIY OLIM AHMAD AL-FARG'ONIY BYUSTI O'RNATILDI

Turkiya poytaxtida buyuk astronom, matematik va geograf Ahmad al-Farg'oni sharafiga o'rnatilgan byustning ochilish marosimi bo'lib o'tdi. Tantanali tadbirda O'zbekiston madaniyat vazirining birinchi o'rinbosari Avaxxon Tojixonov, Anqara shahri Kechioren tumani hokimi Mesut O'zarslan, Xalqaro turkiy madaniyat tashkiloti – TURKSOY bosh kotibi o'rinbosari Sayid Yusuf, Turkiya Buyuk millat majlisi, diplomatik korpus, akademik doira va jamoatchilik vakillari ishtirok etdi.

Ehtirom

Madaniyat vazirining birinchi o'rinbosari so'nggi yillarda O'zbekiston va Turkiya o'rtasidagi keng qamrovli strategik sheriklik munosabatlari izchil rivojlanayotganini ta'kidladi. Ushbu jarayonda madaniy-gumanitar aloqalarining alohida o'rni borligi, bu yo'nalishdagi hamkorlik ikki xalqning qaynay yashashiga xizmat qilayotgani qayd etildi. Shunday euzu maqsadlar zaminida buyuk alloma Ahmad al-Farg'oniyning byusti

Anqara shahridagi markaziy bog'da o'rnatilishi katta ahamiyatga ega ekanini urg'ulandi.

Kechioren tumani hokimi Mesut O'zarslan Ahmad al-Farg'oniyning ilmiy merosi nafaqat o'zbekistonliklar, balki butun turkiy xalqlar uchun faxr va ilhom manbai ekanini ta'kidladi. U allomaning nomini abadiylashtirish orqali yosh avlodni ilm va ma'rifatga da'vat etish maqsad qilganini bildirdi.

TURKSOY bosh kotibi o'rinbosari Sayid Yusuf esa, o'z navbatida, Ahmad al-Farg'oniyning astronomiya, geografiya va matematika sohalaridagi kashfiyotlari orqali jahon ilm-fani

rivojiga qo'shgan beqiyos hissasiga alohida o'takti. "Turkiy davlatlar hamijihatligi ramzi sifatida ushbu byustni o'rnatish tashabbusi yuksak e'tirofga loyiq", dedi u.

Tadbir yakunida taniqli xonanda Otabek Muhammadzohid tomonidan konsert dasturi taqdim qilindi. Unda ijro etilgan o'zbek milliy maqom va zamonaviy estrada qo'shiqlari barchaga xush kayfiyat ulashdi.

Shu o'rinda ta'kidlash joizki, Anqara shahrida Ahmad al-Farg'oni xotirasiga atab yodgorlik o'rnatilishi O'zbekiston va Turkiya o'rtasidagi do'stlik hamda hamkorlik rishtalarini yanada kengaytirishga xizmat qiladi.

"Dunyo" AA.
Anqara

Rasmlarda – muhabbat tuyg'usi

Toshkent shahridagi sog'liqni saqlash muassasalarida "Mening onam hamshira" mavzuida rasmlar tanlovi bo'lib o'tdi.

Tanlov

Xususan, Respublika xitisoslashtirilgan ona va bola salomatligi ilmiy-amaliy tibbiyot markazida ushbu tadbir bilan hamohang tarzda hamshiralarni farzandlari ishtirokidagi ijodiy ko'rgazma ham tashkil etildi.

Quvonarlisi, bolalar chizgan rasmlari orqali onalariga bo'lgan faxr hamda muhabbat tuyg'ularini

ifoda etishdi. O'zbekiston Sog'liqni saqlash xodimlari kasaba uyushmasi Respublika kengashi tomonidan uyushtirilgan ushbu tadbir yakunida g'oliblar va faol qatnashchilar esdalik sovg'alari bilan taqdirlandi. E'tiborlisi shundaki, bu mazmundagi tadbirlar orqali soha vakillarining qadri, oilasi hamda farzandlariga bo'lgan e'tibor yanada mustahkamlanadi.

"Xalq so'zi".



Bosh muharrir O'tkir RAHMAT

2020-yil 25-marta O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi – 229. Buyurtma G-242. 15 407 nusxada bosildi. Hajmi – 2 taq. Ofset usulida bosilgan. Qog'oz bichimi A-2. Bahosi kelishilgan narxda.

Gazetamiz haqidagi ma'lumotlarni yuklab olish uchun QR-kodni telefoningiz orqali skaner qiling.



TELEFONLAR:

Devonxona 71-259-74-51; kotibiyat 71-259-74-53; e'lonlar 71-259-74-55.



Tahririyatga kelgan qo'yozmalar taqzir qilinmaydi va muallifga qaytarilmaydi.
Gazetaning yetkazib berilishi uchun obunani rasmiylashtirgan tashkilot javobgar.
Gazeta tahririyat kompyuter markazida teriladi hamda operator M. Begmuratov tomonidan sahifalandi.
Gazetaning poligrafik jihatdan sifati chop etilishiga "Sharq" nashriyot-matbaa aksiyadorlik kompaniyasi mas'ul.
Bosmaxona telefoni: 71-233-11-07.

MANZILIMIZ:
100066,
Toshkent shahri,
Islom Karimov ko'chasi, 55-uy.
Navbatchi muharrir S. Mamirov.
Musahhih S. Isomov.

"Sharq" nashriyot-matbaa aksiyadorlik kompaniyasi bosmaxonasi. Korxona manzili:
Buyuk Turon ko'chasi, 41. O'ZA yakuni – 21.10 Topshirildi – 00.20 **1 2 3 4 5 6**

Kuala-Lumpur eng yirik "MATTA Fair" turizm ko'rgazmasi arafasida O'zbekiston – Malayziya turizm forumi bo'lib o'tdi.